

**ODLUKU  
O KOREKCIJI URBANISTIČKOG PROJEKTA  
"SKENDERIJA"**

**Član 1.**

Utvrđuje se korekcija Urbanističkog projekta "Skenderija" ("Službene novine Kantona Sarajevo", broj 35/07), u daljnjem tekstu: korekcija Plana.

**Član 2.**

Predmet korekcije Plana su objekat kulture i obrazovanja - Akademija scenskih umjetnosti (ASU), čija izgradnja je planirana na zemljištu označenom po novom premjeru kao dio k.č. br. 1042 i 1048 i objekat džamije, čija izgradnja je planirana na zemljištu označenom po novom premjeru kao dio k.č. br. 1042; 1048; 1049; 1050 i 1040/2. Sve naprijed navedene parcele nalaze se u K.O. Sarajevo VIII.

Korekcijom Plana za objekat ASU, mijenja se vertikalni gabarit i regulaciona linija istog, a za objekat džamije, mijenja se lokacijska postavka i regulaciona linija objekta.

Horizontalni i vertikalni gabariti, namjena, spratnost i lokacijska postavka naprijed navedenih planiranih objekata, preuzeti su iz Idejnog arhitektonskog projekta izrađen od strane konzorcija "Aksa" d.o.o. Zenica i "IMK - Institut za materijale i konstrukcije" Sarajevo, te Idejnog projekta džamije koji je izradio E. Salihović (ovim projektom su definisani elementi džamijskog kompleksa, horizontalni i vertikalni gabariti džamije, kao i arhitektura objekta) i prilagođeni korekciji Plana.

Korekcijom Plana izmijenjena je lokacijska postavka objekta džamije, na način da je isti dislociran u pravcu istoka za 6,0 m i u pravcu juga za 1,5 m, zadržavajući orijentaciju mihraba od 137,1 stepen od vertikalne ose sjever-jug i pri tome, ne mijenjajući vertikalni i horizontalni gabarit objekta, te njegovo arhitektonsko oblikovanje (grafički prilog br. 2 - KOREKCIJA PLANA, Urbanističko-arhitektonsko rješenje).

Idejni projekt izrađen od strane konzorcija "Aksa" d.o.o. Zenica i "IMK - Institut za materijale i konstrukcije" Sarajevo, koji je sastavni dio ove Korekcije, definisao je građevinsku liniju podzemnih i nadzemnih etaža objekta ASU (grafički prilog br. 2 - KOREKCIJA PLANA, Urbanističko-arhitektonsko rješenje).

Parterno rješenje, kako je i prikazano kroz ovaj Idejni projekt, predviđa zajednički popločani prostor za oba objekta - trg, opremljen urbanim mobilijarom (klupe, fontana), oplemenjen zelenilom, a koji će biti definisan Projektom vanjskog uređenja. Slobodan, popločani prostor, bio bi u funkciji prilaza, okupljanja i aktivnosti za potrebe oba objekta.

Građevinske i regulacione linije, definisane na grafičkom prilogu br. 3 - KOREKCIJA PLANA, Mreža građevinskih i

regulacionih linija i na grafičkom prilogu - Izvod iz separata Analitičke obrade građevinskih parcela, moraju se poštovati i ne smiju se mijenjati prilikom izvođenja objekta ASU.

**Član 3.**

Korekcija Plana sastoji se iz tekstualnog dijela i grafičkih priloga (Izvod iz UP-a "SKENDERIJA", Urbanističko-arhitektonsko rješenje MJ 1:500; KOREKCIJA PLANA, Urbanističko-arhitektonsko rješenje MJ 1:500; KOREKCIJA PLANA, Mreža građevinskih i regulacionih linija MJ 1:500; Izvod iz UP-a "SKENDERIJA", Analitička obrada građevinskih parcela.

Tekstualni dio i grafički prilozi korekcije Plana, sastavni su dio Urbanističkog projekta "Skenderija" ("Službene novine Kantona Sarajevo", broj 35/07).

**Član 4.**

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

**Član 5.**

Korekcija Plana je radena za fazu urbanizma i separat Analitička obrada građevinskih parcela, a obaveza investitora je da za faze komunalne infrastrukture i saobraćaja, izvrši usaglašavanje korekcije Plana sa Idejnim rješenjima, koja su sastavni dio Urbanističkog projekta "Skenderija", te da pribavi saglasnosti nadležnih javnih komunalnih preduzeća.

**Član 6.**

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

**Član 7.**

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-4012/09  
17. augusta 2009. godine  
Sarajevo

Općinski načelnik  
**Dževad Bećirević, s. r.**

Napomena: objavljeno na oglasnoj ploči Općine Centar 17. 8. 2009. godine.

**OPĆINA ILIJAŠ**

**Općinsko vijeće**

Na osnovu člana 29. Zakona o lokalnoj samoupravi-Prečišćeni tekst ("Službene novine Kantona Sarajevo", broj 22/00), člana 55. tačka 2. Statuta Općine Ilijaš-Prečišćeni tekst ("Službene novine Kantona Sarajevo", broj 20/09), a u vezi sa odredbama Memoranduma o razumijevanju između općine Ilijaš i Projekta upravne odgovornosti - GAP II Faza, Općinsko vijeće Ilijaš, na 10. sjednici održanoj 3. septembra 2009. godine, donosi

**ODLUKU**

**O PROVOĐENJU OPĆINSKOG AKCIONOG PLANA  
(MAP) U SARADNJI SA PROJEKTOM UPRAVNE  
ODGOVORNOSTI (GAP)**

**Član 1.**

Općina Ilijaš kao partner u implementaciji projekta GAP II, kojeg finansiraju vlade SAD-a, Švedske i Holandije s ciljem daljnjeg razvoja općinskih usluga i demokratske, odgovorne vlasti u Bosni i Hercegovini, nastavlja saradnju sa projektom GAP.

Općinsko vijeće konstatuje da je u proteklom periodu, Općinska uprava postigla značajne rezultate u saradnji sa Projektom GAP kao što je uspostavljanje Centra za pružanje usluga građanima i Centra za izdavanje dozvola iz oblasti urbanizma i građenja, unapređenje finansijskog upravljanja, razvoj urbanizma i planiranje kapitalnih projekata.